

PARTE HARTZEKO DEIALDIA

HIP 2027

HORECA PROFESSIONAL EXPO

Euskadiko Elikagaien Industriaren sustapena

**Data:**

2027ko martxoak 1 - 3

**Tokia:**

IFEMA Madrid

**Nori zuzenduta:**Banaketako profesionalak
(HORECA kateko espezialistak diren
inportatzaile eta esportatzaileak)**IZEN-EMATE IREKITA**2026ko ekainaren 30a
arte**Azokaren webgunea:**www.expohip.com**Maiztasuna:**

Urtekoa

**INFORMAZIO GEHIAGO**

Gorka Goikoetxea

☎ 943 00 02 70

✉ ggoikoetxea@camaragipuzkoa.com

HIP 2027

HORECA PROFESSIONAL EXPO

Euskadiko Elikadura Industriaren **kanpo-sustapena babesteko jarduketan barruan**, Eusko Jaurlaritzaren Elikadura, Landa Garapen, Nekazaritza eta Arrantza Saila antolatzen ari da, **HAZI** Fundazioaren bitartez, Euskadiko elikadura-enpresen taldeko partaidetza **HIP 2027** azokan; **IFEMA Madril**en izango da, **2027ko martxoaren 1etik 3ra**.

AZOKAREN IZAERA

HIP erreferentziako ekitaldi profesionala da HORECA katearen berrikuntzan. Hiru egunetan zehar, ostalaritzaren, jatetxeen, cateringaren, ostatuen eta janari-zerbitzuaren arloko enpresari, zuzendari eta profesionalak biltzen ditu, honako hauetan oinarritutako proposamen batekin: **joerak, digitalizazioa, efizientzia eragilea, jasangarritasuna eta negozio-eredu berriak**.

Azoka **Hospitality 4.0 Congress**, delakoarekin osatuko du erakusketa-gunea: ezagutza-espazio bat da, eduki espezializatuekin lanbide-profilaren eta industriako segmentuen arabera.

HIP 2026ko DATUAK



61.917
bisitari profesional



1.024
firma erakusketari



+5.300
berrikuntza aurkeztuta

60.000 m²
4 pabiloitan

86%
erosketa-erabaki

37
summit profesional

PARTE HARTZEKO BALDINTZAK

Ekitaldi honetan parte hartu ahal izango dute soilik gizarte-egoitza Euskadin duten eta Eusko Jaurlaritzaren Elikagaien Industrien Erregistroan inskribatuta dauden enpresa ekoizleek.

AZOKAREN AURRETIK

Enpresako ordezkari batek **parte hartzeko konpromisoa hartzea** eta dagokion kuota ordaintzea; beraz, ezin da baja eman Euskadiren standean sartu dela jakinarazi ondoren.

Enpresek **nahitaez joan behar dute** muntaketa-egunera, adierazitako orduan, salgaiak jasotzeko eta standetako apainketa-lanak amaitzeko, inaugurazioaren aurretik eta beharrezko aurrerapenarekin.

AZOKAN ZEHAR

Erakutsitako produktuek Euskadiko fabrikaziokoak izan beharko dute. Ezingo dira inolaz ere aipatu edo aurkeztu beste autonomia-erkidego batzuetako produktuak.

Standean egon azoka-egun eta -ordu guztietan zehar.

Azoka amaitzean, produktu guztiak **behar bezala jaso** eta standeko elementuak jasotako baldintza berdinetan entregatu.

Enpresa bat standetik joaten bada, justifikatutako ezohiko arrazoirik gabe, azokaren ordutegi ofizialean zehar, hurrengo edizioan lehentasunezko eskubide guztiak galduko ditu (inskribatzeko ordena eta gainerakoak). Soilik haren eskaera artatuko da espazioa badago eskuragarri gainerako eskaera guztiak artatu ondoren, inskribatzeko eta ordaintzeko egunetan.

Halaber, enpresa batek edo gehiagok standea uzteagatik Eusko Jaurlaritzak, taldearen antolatzaile gisa, **zehapen ekonomikorik** jasotzen badu azokaren antolatzaileen eskutik, berehala bidaliko zaie arau-haustea eragin duten enpresei.

AZOKAREN ONDOREN

Ebaluazio-inkesta bete, eskatzen denean.

PARTE HARTZEKO KLAUSULA JURIDIKOAK

HIP 2027an parte hartzea borondatezkoa da, eta ez dakar eskubide automatikorik plaza lortzeko edo parte hartzeko etorkizuneko jarduketetan. Onartu aurretik, deialdi honetan, Euskadiko Elikagaien Industriaren 2027ko Sustapen Planean eta araudi aplikagarrian jasotako eskakizunak bete beharko dira, eta, plazak eskuragarri egoteaz gain, azokaren antolatzaileek baldintzak baieztatu behar dituzte.

ARAUDIA BETETZEA ETA BAZTERTZEKO ARRAZOIAK

Ezin izango dute parte hartu zigor penal irmoa edo administrazio-zehapen irmoa jaso duten erakundeek, honako hauekin zuzenean lotutako arau-hauste astun edo oso astunengatik: jarduketaren xede-jarduerarekin, elikadura-segurtasunarekin, lan-araudiarekin, tratu-berdintasunarekin, kontratazio publikoarekin edo laguntza publikoetarako sarbidearekin.

Deialdi honetan, Euskadiko Elikagaien Industriaren 2027ko Sustapen Planean edo araudi aplikagarrian jasotako baldintza eta betebeharrak urratzeak partaidetza ukatu, mugatu, baztertu edo gaitzestea eragin dezake, arrazoituta eta bidezkoa denean, erakunde interesdunari entzun ondoren.

BALORATZEKO ETA BAZTERTZEKO AHALMENAK

HAZI Fundazioak, arrazoituta, indarreko prozedura judizial eta administratiboak baloratu ahal izango ditu, baldin eta izaeragatik, larritasunagatik edo ondorioengatik, jarduketaren garapen egokiari, taldeko partaidetzaren erakunde-irudiari edo xede-interes publikoari eragin ahal badiete.

Indarreko prozedura judizial edo administratiboak egoteak ez dakar, besterik gabe, erakunde eskatzailea automatikoki baztertzea. Erabakiak hartzeko, proportzionaltasunaren, tratu-berdintasunaren, diskriminaziorik ezaren eta arrazoiketa nahikoaren printzipioak errespetatuko dira.

PARTE HARTZEKO KLAUSULA JURIDIKOAK

ARAUDIA BETETZEARI BURUZKO ERANTZUKIZUNPEKO ADIERAZPENA

Parte hartzeko eskaera osatutzat jo dadin, enpresak erantzukizunpeko adierazpen bat aurkeztu beharko du araudia betetzeari eta parte hartzeko baldintzei buruz, deialdi honetan **I. Eranskin** gisa atxikitako ereduarekin bat, honako hauekin batera: izena emateko inprimakia, ordainagiria, zerga-betebeharrak eta Gizarte Segurantzarenak ordainduta izatearen frogagiria eta lehengaien jatorriari buruzko zinpeko adierazpena.

Adierazpen horren bidez, erakundeak adieraziko du araudi aplikagarria betetzen duela, ez dela izan zigor penal irmoaren edo administrazio-zehapen irmoaren xede deialdian jasotako terminoetan, indarreko prozedura judizial edo administratiboak jakinaraziko dituela, partaidetzari eragin ahal badiote, eta konpromisoa hartzen duela aldaketa garrantzitsu ororen berri emateko hautaketa-prozeduran zehar edo azoka egunetan-zehar.

Datu garrantzitsuak faltsuak nahiz okerrak badira edo ezkututzen badira, partaidetza ukatu, baztertu, mugatu edo gaitzetsi ahal izango da, balizko erantzukizunei kalterik egin gabe.

JARRAIPENA ETA KONTROLA

HAZI Fundazioak informazio gehigarria eskatu, adierazitako baldintzak betetzen direla egiaztatu eta emandako partaidetza berrikusi ahal izango du. Urraketa-kasuan, partaidetza gaitzetsi edo mugatu ahal izango da, arrazoituta eta bidezkoa bada, erakunde interesdunari entzun ondoren.

PARTE HARTZEKO EREDUA

Eusko Jaurlaritzak taldeko partaidetza aurreikusi du **HIP 2027** azokan, espazioaren eskuragarritasunaren, enpresa interesdunen gutxienerako kopuruaren eta azoka-antolakuntzak baldintzak baieztatzearen arabera.

Eusko Jaurlaritzaren standak gaitasuna edukiko du gehieneko enpresa-kopuru batentzat. Enpresa interesdun gehiago badaude, hautaketa bat egingo da, inskripzio-ordena zorrotzaren arabera. Inskripzioa osatuzat joko da eskatutako dokumentu guztiak aurkeztean: izena emateko inprimakia, ordainagiria, lehengaien jatorriaren zinpeko adierazpena, araudia eta parte hartzeko baldintzak betetzeari buruzko erantzukizunpeko adierazpena eta zerga-betebeharrak eta Gizarte Segurantzarenak ordainduta izatearen frogagiriak.

Bestalde, Eusko Jaurlaritzaren presentzia bermatzeko, enpresa partaideen gutxienerako kopurura heldu beharko da.

1

BANAKAKO Stand
eredua

2

Stand **BIKOITZA**
eredua

OHARRAK:

1. Stand bikoitzaren adjudikazioa enpresa partaideen kopuruaren mende egongo da.
2. EAEko lehen sektoreko produktuak eraldatu eta merkaturatzen dituzten enpresen partaidetza indartuko da.
3. Standaren neurri zehatzak azokak segurtasun-protokoloa baieztatzean zehaztuko dira.

PARTE HARTZEAREN KOSTUA

HIP 2027 azokan, Elikadura, Landa Garapen, Nekazaritza eta Arrantza Sailak EAEko lehen sektoreko produktuak eraldatu eta merkaturatzen dituzten enpresen partaidetza indartuko du.

GARRANTZITSUA:

Banakako standak adjudikatzeko, **inskripzio osoaren ordena zorrotza** jarraituko da, eta ezinbestekoa izango da honako hauek bidaltzea: ordainagiria, enpresak zerga-betebeharrak eta Gizarte Segurantzarenak ordainduta dituela egiaztatzeko frogagiriak, lehengaien jatorriaren zinpeko adierazpena, araudia eta parte hartzeko baldintzak betetzeari buruzko erantzukizunpeko adierazpena eta inskripzioa, formularioaren bidez.

Lehentasuna emango zaie [Euskadiko Elikadura Sistemaren Enpresa Jardunbide Egokien Kodera](#) atxikitako enpresei.

KOSTUA ENPRESEN SAILKAPENAREN ARABERA

1

Batez ere **Euskadiko lehengaiz** hornitzen diren enpresak. Enpresak produktuaren jatorria egiaztatu beharko du.

- Stand indibiduala:
3.000 + BEZ %21 = 3.630 €
- Stand bikoitza:
6.000 + BEZ %21 = 7.260 €

2

Euskadin behar duten lehen sektoreko produktorik egon ez, eta **Euskaditik kanpoko lehengaiak** erabiltzen dituzten enpresak.

- Stand indibiduala:
4.800 + BEZ %21 = 5.808 €
- Stand bikoitza:
9.600 + BEZ %21 = 11.616 €

3

Batez ere **Euskadiko lehengaiz** hornitzen **EZ** diren enpresak, Euskadin behar duten lehen sektoreko produkzioa egonda ere.

- Stand indibiduala:
6.800 + BEZ %21 = 8.228 €
- Stand bikoitza:
13.600 + BEZ %21 = 16.456 €

EUSKO JAURLARITZAREKIN PARTE HARTZEA

IZENA EMATEKO AZKEN EGUNA: 2026ko EKAINAREN 30a

Plaza-kopurua mugatua denez, gomendatzen dugu izena emateko inprimakia betetzea eta ordainagiria, enpresak zerga-betebeharrak eta Gizarte Segurantzarenak ordainduta dituela egiaztatzeko frogagiriak, lehengaien jatorriaren zinpeko adierazpena eta araudia zein parte hartzeko baldintzak betetzeari buruzko erantzukizunpeko adierazpena bidaltzeko, ahalik eta azkarren, June Sanzberrori: jsanzberro@camaragipuzkoa.com

Enpresa partaideak hautatzeko, izena emateko dokumentuen harrera-ordena errespetatuko da, eta lehenetsuna emango zaie **Euskadiko Elikadura Sistemaren Enpresa Jardunbide Egokien Kodera** atxikitako enpresei.



Eskaera osatutzat jotzeko eta kontuan hartzeko, honako hauek egin beharko dituzte:

FORMULARIOA BETE

Inprimakian eskatutako informazioari dagokionez, azokako katalogo ofizialerako eta gainerako sustapen-elementuetarako datuak transkribatuko dira.

IZENA EMATEA



ORDAINAGIRIA BIDALI

Kontu-zenbakia:

ES49 3035-0179-61-1791069900

Laboral Kutxa, HAZIren izenean.

Laboral Kutxaren BIC kodea: CLPEES2MXXX

Kontzeptua: "Enpresaren izena + HIP 2027"

- HAZIren Finantza Sailak faktura bidaliko die dagokion zenbatekoarekin, partaidetza baieztatu ondoren.

ZINPEKO ADIERAZPENA BIDALI

Derrigorrezkoa da parte hartu nahi duten enpresek **zinpeko adierazpena** aurkeztea, lehengaien jatorria egiaztatzeko, sinatuta eta zigilatuta.

Izena emateko eta informaziorako kontaktua:
ggokoetxea@camaragipuzkoa.com · 943 00 02 70

ARAUDIA BETETZEARI BURUZKO ERANTZUKIZUNPEKO ADIERAZPENA BIDALI

Nahitaezkoa da araudia eta parte hartzeko baldintzak betetzeari buruzko erantzukizunpeko adierazpena aurkeztea, deialdi honetan eranskin gisa atxikitako ereduarekin bat. Adierazpen hori enpresaren ordezkariak sinatu beharko du.

EUSKO JAURLARITZAREKIN PARTE HARTZEA



GARRANTZITSUA

Inskripzioa formalizatutzat jotzeko, IZENA EMATEKO INPRIMAKIA BETE BEHARKO DA, eta honako hauek bidali: ORDAINAGIRIA, ZERGA-BETEBEHARRAK ETA GIZARTE SEGURANTZARENAK ORDAINDUTA IZATEAREN FROGAGIRIA, LEHENGAIEN JATORRIAREN ZINPEKO ADIERAZPENA ETA ARAUDIAK ETA PARTE HARTZEKO BALDINTZAK BETETZEARI BURUZKO ERANTZUKIZUNPEKO ADIERAZPENA, inskripzio-data gisa adieraziz, ondorio guztietarako, inskripzioaren ordainketaren eguna.

Izena emateko inprimakia betetzeak EZ DAKAR enpresak Euskadi Basque Country standean parte hartzea. Eusko Jaurlaritzak izen-ematearen onarpena jakinaraziko dio.

ENPRESA BATEK UKO EGITEN BADIO PARTE HARTZEARI FAKTURA JASO ONDOREN, HAU DA, EUSKADIKO STANDEAN SARTU DELA JAKINARAZI ONDOREN, ORDAINDUTAKO KOPURU GUZTIA GALDUKO DU.

Soilik ezinbesteko kasuetan baloratuko dira enpresak aurkeztutako arrazoiak, eta, hala badagokio, ordaindutako zenbatekoaren ehuneko bat itzuliko da.

Soilik kasu hauetan aurreikusiko da enpresek ordaindutako zenbatekoak itzultzea:

- Enpresek eskatutako espazioak azokaren antolakuntzak Eusko Jaurlaritzari adjudikatutako espazioa gainditzen badu, hautatuak izan ez diren enpresek izena eman aurreko kuota jasotzeko eskubidea izango dute.
- Eusko Jaurlaritzaren parte-hartzea baliogabetzen bada ezinbesteko kasuagatik edo parte-hartzaileen kopurua nahikoa ez izateagatik, enpresei ordaindu duten zenbatekoaren % 100 itzuliko zaie.

ESKAINITAKO ZERBITZUAK

Eusko Jaurlaritzaren Elikadura, Landa Garapen, Nekazaritza eta Arrantza Sailak, HAZI Fundazioaren bitartez, zerbitzu hauek emango ditu:



ESPAZIOAREN KONTRATAZIOA

Partaidetza-espazioa enpresa interesdunen artean banatuko da, azokaren antolatzaileek finkatutako osasun-neurrien eta segurtasun-protokoloen arabera.



STANDAREN DEKORAZIOA

Standak izango dituen oinarrizko apainketak eta altzariak uniformeak izango dira Euskadiko standeko erakusle guztientzat, eta elementu hauek izango dituzte:

- 1 mahai, 4 aulki, erakusmahaia, enpresa erakuslearen errotulua, konexio elektrikoa, biltegia hozkailuarekin eta harraska.



SALGAIEN GARRAIOA

Eusko Jaurlaritzak salgaien bidalketa bateratua antolatuko du esleitutako garraiolari ofizialak adierazitako puntu komun batetik, salgaiak standean entregatu arte. Ez da itzulera-garraiorik antolatuko.

Salgaien bidalketaren kostua garraiolariak fakturatuko dio enpresa erakusketariari, zuzenean.

Hala dagokionean, garraio-enpresa adjudikaziodunaren datuak emango dira. Enpresek parte hartu beharko dute salgaien harreran, adierazitako orduan, baita standetako apainketa-lanak amaitzeko ere, inaugurazioaren aurretik eta beharrezko aurrerapenarekin.

ESKAINITAKO ZERBITZUAK



PABILOIAREN MANTENTZEA (GARBIKETA, ELEKTRIZITATEA, URA...)

Eusko Jaurlaritza arduratuko da garbiketa-zerbitzuaz, elektrizitateaz, uraz eta, oro har, pabiloiaren mantentze egokiaz. Hala ere, enpresa bakoitza arduratuko da esleitutako espazioa garbiketa-baldintza onenetan mantentzeaz.

Standeko gehieneko potentzia elektrikoa eta gehieneko kontsumoa finkatuko dira, eta erakusketariei jakinaraziko dizkiete prestaketa-izapideekin hasten direnean.

Oharra: oinarrizko altzarien, elementu elektrikoen edo premia elektrikoen aldaketa oro, baldin eta kostua handitu edo aldatzea badakar, apaintzaileak fakturatuko dio enpresa erakusketariari, zuzenean, eta hark ordaindu beharko du zenbateko handiago hori.



HOTZ-KAMARAK ETA BESTE ETXETRESNA ELEKTRIKO BATZUK

Erakusketariak ordaindu beharko du hotz-ganberen eta beste etxetresna elektriko batzuen alokairua. Hala ere, Eusko Jaurlaritzaren Elikadura, Landa Garapen, Nekazaritza eta Arrantza Saila enpresen esanetara dago zerbitzuaren kontratazioa koordinatzeko, eta hornitzaileak zuzenean fakturatuko dio enpresa erakusketariari.



AZOKAKO KATALOGO OFIZIALEAN SARTZEA

Eusko Jaurlaritzak beharrezko izapideak egingo ditu enpresa erakusketariak azokaren webgunean eta katalogo ofizialean inskribatzeko (izena emateko formularioan jasotako datuak agertuko dira).

I ERANSKINA

ARAUDIA ETA PARTE HARTZEKO BALDINTZAK BETETZEARI BURUZKO ERANTZUKIZUNPEKO ADIERAZPENEA

[Izen-abizenak] jaun/andreak, _____,
_____ [zenbakia] NANarekin, _____ [sozietate-izena]
erakundearen izenean eta ordezkari gisa, _____ [zenbakia] IFZarekin,

egoitza sozialarekin [helbidea], eta _____, [kargua/ordezkaritza] gisa, **HIP 2027**
azokan parte hartzeko eskaeraren harira, Euskadi 2027 Elikadura Industria Sustatzeko Planarekin bat,

HONAKO HAU ADIERAZTEN DU:

- Ordezkatzen duen erakundeak Euskadiko Elikagaien Industriaren 2027ko Sustapen Planean jasotako partaidetza-eskakizunak betetzen ditu deialdi honetan.
- Erakundearen egoitza soziala Euskadin dago, eta inskribatuta dago Eusko Jaurlaritzaren Elikadura Industrien Erregistroan.
- Erakundeak ordainduta ditu zerga-betebeharrak eta Gizarte Segurantzarenak, baita eskatutako jarduketan parte hartu ahal izateko gainerako betebehar aplikagarriak ere.
- Erakundeak araudi aplikagarria betetzen du, honako hauek barne: lan-araudia, elikadura-segurtasuna, tratu-berdintasuna, kontratazio publikoa eta laguntza publikoetarako sarbidea, planean eta deialdi honetan jasotako terminoetan.
- Erakundeak ez du jaso zigor penal irmo edo administrazio-zehapen irmorik, honako hauekin zuzenean lotutako arau-hauste astun edo oso astunengatik: jarduketaren xede-jarduerarekin, elikadura-segurtasunarekin, lan-araudiarekin, tratu-berdintasunarekin, kontratazio publikoarekin edo laguntza publikoetarako sarbidearekin.
- Erakundeak ez dauka abian prozedura judizial edo administratiborik, partaidetza-baldintzak betetzeari, jarduketaren garapen egokiari edo xede-interes publikoari eragin ahal dietenak. Bestela, erakundeak konpromisoa hartzen du inguruabar hori jakinarazteko HAZI Fundazioari, baloratzeko beharrezko informazioa ematen.
- Erakundeak konpromisoa hartzen du HAZI Fundazioari jakinarazteko hautaketa-prozesuan zehar edo azokak iraun bitartean jazotako aldaketa garrantzitsu oro.
- Erakundeak adierazitako baldintzak betetzen dituela egiaztatzeko dokumentazioa du, eta konpromisoa hartzen du HAZI Fundazioari bidaltzeko hala eskatzen duenean.
- Erakundeak badu honen berri: datu garrantzitsuak faltsuak nahiz okerrak badira edo ezkututzen badira, partaidetza ukatu, baztertu, mugatu edo gaitzetsi ahal izango da, balizko erantzukizunei kalterik egin gabe.

[Tokia] _____-n, [data] _____.

Sinadura:

[Sinatzailearen izena eta kargua]

Datuen babesari buruzko informazioa

Adierazpen honetan jasotako datuak HAZI Fundazioak / Eusko Jaurlaritzaren Elikadura, Landa Garapen, Nekazaritza eta Arrantza Sailak tratatuko ditu, HIP 2027 azokako partaidetza kudeatzeko, parte hartzeko baldintzak betetzen direla egiaztatzeko eta, hala badagokio, beharrezko jarraipen- eta kontrol-jarduketak egiteko.